



Uviđaj na mjestu okršaja lopova i policije / AMER KAJMOVIC

Pritvor za dvojicu automafijaša

Pritvor će im biti zatražen zbog opasnosti od uticaja na svjedoke i ponavljanja krivičnog djela

Tužilaštvo BiH jučer je nakon ispitivanja zatražilo 30-dnevni pritvor za dvojicu od trojice automafijaša koje su pripadnici MUP-a KS-a nakon vatrene obračuna spriječili da ukradu skupocjeni BMW na Ilidži. Pritvor će im biti zatražen zbog opasnosti od uticaja na svjedoke i ponavljanja krivičnog djela, potvrđeno je iz Tužilaštva.

Nakon vatrene obračuna, u kojem su kradljivci ranjeni, sarajevska policija u četvrtak navečer je uhapsila Paljane Savu Petričevića, Bojana Košarca i Njegoslava Milinkovića. Pucnjava na Ilidži se desila u četvrtak oko 20.30 sati na parking u blizini Termalne rivijere, nakon što su trojica muškaraca pokušala ukrasti BMW. Uočili su ih specijalci MUP-a koji su

blizini patrolirali. Pokušavajući da pobjegnu od policije, kradljivci su udarili u saobraćajni znak, a zatim i u ivičnjak i nekoliko parkiranih vozila, te im je tom prilikom otpao točak na vozilu. Vidjevši da ne mogu pobjeći, lopovi su otvorili vatru na policajce, ali su im policajci žestoko uzvratili i tom prilikom i ranili dvojicu. Ranjene kradljivce vozila policajci su potom predali ekipi Hitne pomoći, koja ih je, nakon ukazane pomoći prevezla u KCUS, gdje ih policajci čuvaju.

U petak su pripadnici **SIPA**, u saradnji sa MUP-om KS-a i uz podršku MUP-a RS-a, pretresli objekte na četiri lokacije i oduzeli predmete koji mogu poslužiti kao dokazi u daljem postupku.

D. P.